

Comhairliúchán poiblí

Teideal:

Comhairliúchán maidir leis an liosta de Thionscadail Leasa Choitinn atá molta

Réimsí beartais:

Bonneagar fuinnimh tras-Eorpach

Spriocghrúpaí:

Údaráis phoiblí, údaráis na mBallstát, cuideachtaí, comhlachais tionscail, fiontair bheaga agus mheánmhéide, eagraíochtaí tomhaltóirí, ceardchumann, eagraíochtaí neamhrialtasacha, eagraíochtaí comhshaoil, comhairleachtaí, cónaidhmeanna oibrithe agus fostóirí, geallsealbhóirí ábhartha eile agus saoránaigh.

Tréimhse an chomhairliúcháin:

Ó 22.12.2014 go 31.03.2015

Cuspóir an chomhairliúcháin

Tá an comhairliúchán maidir leis an liosta de thionscadail atá molta do lipéad na dtionscadal leasa choitinn i réimse an bhonneagair fuinnimh seolta agus beidh sé ar oscailt go dtí an 31 Márta 2015. [Rialachán \(AE\) Uimh. 347/2013 ó Pharlaimint na hEorpa agus ón gComhairle an 17 Aibreán 2013 maidir le treoirlínte le haghaidh bonneagair thras-Eorpaigh fuinnimh](#) (Rialachán TEN-E; sainithnítear ann 9 gcinn de thosaíochtaí agus 3 cinn de réimsí téamacha agus leagtar amach nós imeachta agus critéir le tionscadal leasa choitinn a dhéanamh de thionscadal.

Is in 2013 a ghlac an Coimisiún Eorpach an chéad liosta uile-Aontais de Thionscadail Leasa Choitinn agus foráiltear sa Rialachán GTE-F go dtabharfar chun dáta é gach re bliain. Is ar bhonn cur chuige réigiúnach a shainithnítear Tionscadail Leasa Choitinn agus is grúpaí réigiúnacha a dhéanann sin. Sna grúpaí sin bíonn: ionadaithe na n-aireachtaí is inniúil, údaráis rialála náisiúnta, oibreoirí na gcóras tarchurtha gáis agus leictreachais, tionscnóirí tionscadal, na líonraí Eorpacha um oibreoirí córais tarchurtha leictreachais agus gáis, an Ghníomhaireacht um Chomhar idir Rialálaithe Fuinnimh agus an Coimisiún Eorpach.

Cuireann na tionscnóirí tionscadal na tograí leictreachais agus gáis ar mian leo stádas tionscadal leasa choitinn a fháil dóibh faoi bhráid na nGrúpaí Réigiúnacha lena meas. Déanfaidh na Grúpaí Réigiúnacha meastóireacht ar na tionscadail i bhfianaise na gcritéar ginearálta agus sonracha atá leagtha síos sa Rialachán. Go háirithe, is é an méid a chuirfidh na tionscadail le comhtháthú margaidh, inbhuanaitheacht, slándáil soláthair agus iomaíocht a ndéanfaidh siad meastóireacht air. Déanfar an measúnú sna míonna amach romhainn agus cinntfidh na Grúpaí Réigiúnacha ar na liostaí réigiúnacha de Thionscadail Leasa Choitinn i samhradh 2015.

Ba cheart do gach Grúpa Réigiúnach dul i gcomhairle leis na heagraíochtaí a dhéanann ionadaíocht do na geallsealbhoirí ábhartha, lena n-áirítear táirgeoirí fuinnimh, oibreoirí córas dáilte, soláthróirí, tomhaltóirí agus eagraíochtaí cosanta comhshaoil.

Is é cuspóir an chomhairliúcháin seo do thuairimí a fháil an bhfuil gá le tionscadal gáis nó leictreachais, i gcomhthéacs bheartas fuinnimh an Aontais, a thabharfadh le chéile slándáil soláthair, comhtháthú margaidh, iomaíocht agus inbhuanaitheacht.

Le tuilleadh eolais a chur ar fáil, tá naisc idirlín chuig na tionscadail atá molta ar áireamh sa liosta de thionscadail atá foilsithe. Tá tuilleadh eolais le fáil faoi thionscadail leictreachais ar [shuíomh gréasáin ENTSO-E](#). Tá tuilleadh eolais le fáil faoi thionscadail gáis ar [shuíomh gréasáin ENTSO-G](#).

Conas aighneachtaí a chur isteach

Glacaimid le haighneachtaí ó shaoránaigh, ó eagraíochtaí agus ó údarais phoiblí tríd an [gceistneoir ar líne \(EUSurvey\)](#).

Foilseofar gach aighneacht ar líne. Féach an [sainráiteas príobháideachais](#) atá ag gabháil leis an gcomhairliúchán seo má tá eolas uait i dtaobh na húsáide a bhainfear as sonraí pearsanta agus aighneachtaí.

Is féidir an ceistneoir a fhreagairt in aon teanga oifigiúil de chuid an Aontais Eorpaigh. Ós rud é go bhféadfadh moill a bheith ar aistriú tráchtanna ó theangacha áirithe, ba mhór againn freagraí a fháil i mBéarla mar chuideodh sé go mór leis an gCoimisiún dlús a chur le próiseáil an tsuirbhé.

An doiciméad comhairliúcháin

Liosta na dTionscadal Leasa Choitinn atá molta (i gceangal)

Sonraí teagmhála

An tseirbhís a bhfuil cúram an chomhairliúcháin uirthi: AS an Fhuinnimh, Aonad B1 an Margadh Inmheánach I: Líonraí agus Tionscnaimh Réigiúnacha

Seoladh ríomhphoist: ENER-B1-PROJECTS@ec.europa.eu

Seoladh poist

An Coimisiún Eorpach

Ard-Stiúrthóireacht an Fhuinnimh

Aonad B1, an Margadh Inmheánach I: Líonraí agus Tionscnaimh Réigiúnacha

B-1049 an Bhruiséil

An Bheilg

Na haighneachtaí:

Ar mhaithe leis an trédhearcacht, iarrtar ar eagraíochtaí eolas ina dtaobh a bhaineann le hábhar a chur ar fáil don phobal trí chlárú sa [chlár](#) trédhearcachta agus trí [Chód Iompair](#) an chlár sin a chur i bhfeidhm. I gcás eagraíochtaí nach bhfuil cláraithe, foilseofar a n-aighneachtaí ar leithligh ó aighneachtaí eagraíochtaí atá cláraithe.

Toradh an chomhairliúcháin agus na chéad chéimeanna eile

Sonraí pearsanta a chosaint (nasc):
pdf i gceangal)

Sainráiteas príobháideachais (doiciméad